

Inungnun Tuhaqtitaujukhaq

Nuliarnikkut Ningaqtailinikkut Tatqiqhiuti

Aullaqtirvia Ublua: Mai 6, 2026

Nutqarvikhaa Ublua: Mai 31, 2026

Nunavunmi-tamaat

60 sec

Mai taamnaujuq Nuliarnikkut Ningaqtailinikkut Tatqiqhiut. Aanniaqtailinirmut Havagvik turaangaliqtuq nutaqqanun nuliarnikkut pimmarluktaunirnun imaatun akhuurnaqtumi inungnun aanniaqtailinikkut ihumagijaunirmik pitqujaillu ilagiiktuni, munaqtiujuni, ilihaijiujuni, nunallaamiutanilu tamaani Nunavunmi, ikajuqlutik piliurlutik qajangnaittunik, aulahimmaaqtunik, ilaranaittunik najuqviinnun tamainnun nutaqqanun.

Nutaqqat inuuhirittialgit munarittiaqtaugaangamik, ikajuqtaugaangamik, tuhaqtaugaangamiku. Hapkuat hivullirutit pittailirni nun nutaqqanun nulliarnikkut pimmarluktaunir nun, naunaijaqtait ubluq tamaat hulidjutikhat munaridjutikhat nutaqqanun hakugikhautinullu ilagiiktunun:

Piliurniit Qajangnaittunik Aularaanginnagtuniklu Najurviinnik

- Piliurluni qajangnaittumik najuqvighamik talvani nutaraq iqhiuhuiqtuq mihigimajuqlu qajangnaittuqlu ihumakkut timikkullu aanniqtigtaunirnin.
- Piliurniit aularaanginnaqtunik ihumakkut, inuuqatigiingnikkut, timikkut ikajuutit ikajuqtait nutaqqat mihigimajullu tunngavittiaqaqtut.
- Huliluqaaqatigilugu nutarat ubluq tamaat. Uqaqtigiidjutikkut ulapqiujaqatiginikkutllu ubluq tamaat hakugikhaqtait uppiridjutit ikajuqtaatillu kangiqhihimanianik hunanik nutarat aturutainnik.
- Piliuqhimaqun naunaittut qanuriliurutit ikajuqtut nutaqqanik ihumagidjutainnun qajangnaittumiittun ikajuqtaujuullu.
- Uppirilugin nutaqqat mihigijait. Munaridjutait mihigijainnik ajurnaqaataqtuq inulrammiinnun. Naalangniit ikajurumaniillu piliuqtuq mahulingainnirnik ilauqatiginngnirniklu.

Iliharutit Qajangnaidjutinun Kikligarutiniklu

- Ilihimalutin kina munarijait nutaqqatit.
- Ilihautilugin ukuninnga qajangnaittunik kahangnirnik qajangnaittuniklu inirninik.

- Atuqlutit ihuaqtunik atiinnik timimi ilainnik. Una ikajuqtait nutaqqat uqautainnik naunaittumik hunali ihuitpat, ikajuutaujuq nakuujunik kikliqarutininik, imaalu piluqtuq nakuujumik tunngavikhamik aallanun hivunikhani nuliarnikkut aanniqtailinikkut ilihautinun.
- Akhuuqhaqlugin nutaqqat uqaqtaqtut taimaatun uqaqatigijaamingnik ilingnun hunanik apirijaamingnikluunniit ikajuqtaujumalutik.
- Ilihautilugin qaritaujakkuurutikkut qajangnaidjutinik. Nutaqqat naunaijautijun kinaujaakhamingnik akinialaittaqtun qaritaujakkuurutikkut-pimmarluktaunirnun, hulidjutipkainiq-iqhitaarutikkut, aallallu qaritaujakkuurutikkut qajangnaqtunik. Ikajuqlugin ukunani humungaudjutaitigun qaritaujakkuurutikkut qajangnaittumik.

Tamaita nutaqqat pipkaqtitaujukhat qajangnaidjutinik, pittiarutininik munarittiarutininiklu. Havaqatigiiktat munarilugit Nunavutim nutarait hakugikharlugillu inuuhirittiarutait nunallaptingni.

Ikajurutikhat iharianaqtun tamainnun nutaqqanun munaqtiinullu. Ilihaijiit, munaqhiit, ilagijait, nunallaamillu ikajurutit tahamaniittunik ikajuqtukhat. Ilvin kinaluunniit ilihimajat ikajuqtaujukhauliqqat, hapkuat aturutikhat hailihimajun:

- **Nutaqqanut Inulrammirnullu Uqaqtikhaanik** – contact@rcynu.ca unaluunniit 1-855-449-8118
- **Kamatsiaqtut Nunavut Ikajuqtiit-Hivajautaa** – Nunavuthelpline.ca unaluunniit 1-800-265-3333
- **Hope for Wellness Ikajuqtiit Hivajautaa** – Hopeforwellness.ca unaluunniit 1-855-242-3310 (*Ikajurutiit Nunaqaqqaahimajunun, hailihimajuq Inuktitut tukhiqtauqpat*).

###

Tuhaqtipkainikkut Uqarvigijakhaq:

Charmaine Deogracias
 Atanngujaq Tuhaqtipkaijini
 Aanniaqtailinirmut Havagvia
 867-975-5712
cdeogracias@gov.nu.ca

ᐅᐃᑦᑕᑦᑕᑦᑕᑦ ᑕᐱᑦᑕᑦᑕᑦ ᑕᑦᑕᑦᑕᑦ, ᑦᑕᑦᑕᑦᑕᑦ ᑕᑦᑕᑦᑕᑦᑕᑦ ᑕᑦᑕᑦᑕᑦᑕᑦ ᑕᑦᑕᑦᑕᑦᑕᑦ www.gov.nu.ca.
 Public Service Announcements are available in Inuktitut, English, Inuinnaqtun and French on www.gov.nu.ca.
 Kavamatkunnin Tuhaqtitaujukhat hailihimajun Inuktitut, Qablunaatun, Inuinnaqtun Uuiitullu uvani www.gov.nu.ca.
 Les messages d'intérêt public sont disponibles en inuktitut, en anglais, en inuinnaqtun et en français au www.gov.nu.ca.

Tuhaqtipkaijiit